

dieselben nicht einzunehmen/ noch auszugeben / Darumb
dann auch etliche erwehnte geringwürdigen Sorten / nach
gnugsam gehaltenen Valuation / namhaftig gemacht / vnd
ire Geprege/ sampt der selben werth in Druck vorfertigen vñ
ausgehen lassen. Als hetten wir vns wol vorsehen/ es solten
sich alle vnd jede vnserer Vnderthane vnd Vorwandte/ auch
die Händler vnd Rauffleute / so in vnserer Lande handthies
ren/ vnd iren Gewerb treiben/ denselben gemess vñd gehors
samlich erzeigt/ vnd solche geringwürdigen Münzen/ einzun
nehmen vnd auszugeben enthalten haben / dardurch dieselb
en / so wol als die geringen Dreierlein/ so man Peuckerlein
nennet/ aus vnseren Landen gebracht würden. Wir wer
den aber glaubwürdig berichtet / befinden es auch also im wer
cke/ das nicht alleine durch die frembden Händler/ Sondern
auch vnserer Vnderthane / vnserer Münze / an ganzen / hal
ben gülden Groschen/ vnd andern kleinen Sorten auffge
wechselt/ in frembde Lande geführet/ vnd dagegen böse vnd
geringschekige Münze/ an groben vnd kleinen Sorten vber
heuffig one schew eingeschoben vnd gebracht werden / Also /
das vnserer Münz/ in bezalungen / vnd sonst fast gar nicht /
oder wenig gesehen wirdet/ Do wir doch Gott lob wissen /
das wir derselbigen jährlichen eine gute anzal schlagen vñd
münzen lassen. Wann vns dann solche hindansetzung
vnserer gebot vnd vorbot nicht wenig zu gemüth gehet/ vnd
wir wol ursach hetten / gegen solchen vortbrechern / frembden
vnd inlendischen/ so diesen vnseren gebotten vñd vorbotten
zu wider gehandelt / gebürliche vnd ernste straffe fürzuneh
men / Sonderlich/ weil wir der kleinen geringen Münz
halben / welche hierüber noch heuffig inn vnserer Lande ge
bracht / vnd sehr gemein wirdt/ vns hiebevorn haben vorneh
men lassen / das wir dieselbe gantzlich vorbotten / vñd aus
vnseren